



**O‘ZBEKISTON RESPUBLIKASI**  
**SURXONDARYO VILOYATI MUZRABOT TUMANI HOKIMINING**  
**Q A R O R I**

Muzrabot tumani, Onadiyor ko‘chasi 1-uy. 191300, tel.: (+99876) 349-17-26, muzrabod.t@exat.uz

2022 - yil 30 - dekabr

776-8-115-Q/22

Muzrabot tuman hokimligi

**Tumanda 2023-yilda transport vositalarini majburiy texnik ko‘rikdan o‘tkazish to‘g‘risida**

“Mahalliy davlat hokimiyati to‘g‘risida”gi O‘zbekiston Respublikasi Qonunining 6, 25-moddalari, “Yo‘l harakati xavfsizligi to‘g‘risida”gi Qonunining 17-moddasi, O‘zbekiston Respublikasi Vazirlar Maxkamasining 2021 yil 9 martdagi 125-sonli qarori bilan tasdiqlangan “Transport vositalarini majburiy texnik ko‘rikdan o‘tkazish tartibi to‘g‘risida”gi Nizomga (keyingi o‘rinlarda – Nizom) muvofiq transport vositalarining 2023-yilda majburiy texnik ko‘rigini tashkil qilish maqsadida,

**Q A R O R    Q I L A M A N:**

1. Tuman hududidagi mulkchilik shaklidan qat’iy nazar yuridik va jismoniy shaxslarga tegishli bo‘lgan transport vositalari majburiy texnik ko‘rikdan o‘tkazilsin.

2. Tumanda transport vositalarini majburiy texnik ko‘rikdan o‘tkazish bo‘yicha tuman komissiyasi tarkibi 1-ilovaga, jismoniy va yuridik shaxslarga tegishli bo‘lgan transport vositalarining 2023-yilgi majburiy texnik ko‘rikdan o‘tkazish jadvali 2-ilovaga muvofiq tasdiqlansin.

3. Transport vositalari qo‘yidagi davriylikka muvofiq texnik ko‘rikdan o‘tkazilsin:

tijorat asosida yo‘lovchilar tashish faoliyati bilan shug‘ullanuvchi yengil avtomobillar, avtobuslar, trolleybuslar, tramvaylar va o‘rindiqlar soni 8 ta va undan ortiq bo‘lgan (haydovchining o‘rnidan tashqari), odamlarni muntazam tashish uchun jihozlangan yuk avtomobillari, yirik gabaritli, og‘ir vaznli va xavfli yuklarni tashish uchun maxsus transport vositalari va ularning tirkamalari — bir yilda ikki marta;

ishlab chiqarilganiga olti yildan ko'p bo'lmagan transport vositalari (mazkur bandning ikkinchi xatboshisida ko'rsatilgan transport vositalaridan tashqari) — ikki yilda bir marta;

ishlab chiqarilganiga olti yildan ortiq bo'lgan, shuningdek, ishlab chiqarilgan vaqti aniq bo'lmagan transport vositalari (mazkur bandning ikkinchi xatboshisida ko'rsatilgan transport vositalaridan tashqari) — bir yilda bir marta;

tirkamalar texnik ko'rikka transport vositasi — shatakchi uchun belgilangan muddatlarda;

navbatdagi texnik ko'rikdan o'tkazishning ilgari o'rnatilgan muddatlaridan qat'i nazar, ularni Davlat yo'l harakati xavfsizligi xizmati (keyingi o'rinlarda - DYHXX) organlarida ro'yxatdan o'tkazish (qayta ro'yxatdan o'tkazish) vaqtida (birinchi marta ro'yxatga olinayotgan yangi transport vositalari bundan mustasno).

4. Mazkur qarorning 3-bandi ikkinchi xatboshisida ko'rsatilgan transport vositalarining texnik ko'rigi:

birinchi marta – 1 mart- 30 iyunda;

ikkinchi marta – 1 sentabr- 31 oktabrda o'tkaziladi.

Jismoniy va yuridik shaxslarga tegishli boshqa transport vositalarining texnik ko'rigi 1 yanvar – 31 dekabrda o'tkaziladi.

5. Transport vositalarini majburiy texnik ko'rikdan o'tkazish tuman komissiyasi rahbariga transport vositalarining texnik ko'rikdan o'tkazishda:

transport vositasini ro'yxatdan o'tkazish to'g'risidagi guvohnomada (texnik pasportda, texnik talonda) ko'rsatilgan ma'lumotlarga transport vositasi turi, markasi, modeli, davlat ro'yxatidan o'tkazish raqami belgilari, shassi (rama), kuzov va dvigatelning identifikatsiyalash raqamlarining muvofiqligi;

transport vositasining texnik holati va jihozlari texnik reglamentlar, standartlar talablariga, yo'l harakati xavfsizligi qoidalari va normalariga muvofiqligi;

maxsus va tezkor xizmatlarning transport vositalarida maxsus rangli va ovozli signallar qurilmalarining mavjudligi, sozligi va qonuniyligi, shuningdek, transport vositasining rang-grafik bo'yash sxemalarining texnik reglamentlar yoki standartlar talablariga muvofiqligi;

gaz yonilg'isida ishlash uchun qayta jihozlangan transport vositalarini texnik ko'rikdan o'tkazishda gaz ballonlarining foydalanish muddati, ishlab chiqarilgan yili, zavod raqami, gaz ballonlarini sinovdan o'tkazish muddatlari, gaz balloni

anjomlarining belgilangan talablarga muvofiqligini tekshirilishini ta'minlasin.

6. Transport vositalarining majburiy texnik ko'rigi DYHXX organlari hamda tadbirkorlik sub'ektlari – yuridik shaxslar tomonidan Nizomga muvofiq o'tkaziladi hamda tegishli yig'im undiriladi.

Transport vositalarining texnik holati va uskunalarining muvofiqligini baholash uchun DYHXX organlari tomonidan vazirliklar, idoralar va boshqa tashkilotlarning texnika bazalari, shuningdek, xususiy texnik xizmat ko'rsatish stansiyalari shartnoma asosida jalb etilishi mumkin.

Jismoniy shaxslarga tegishli bo'lgan M1 toifadagi transport vositalari faqat tadbirkorlik sub'ektlari tomonidan texnik ko'rikdan o'tkaziladi.

7. Tumandagi barcha transport vositalari egalari bo'lgan yuridik va jismoniy shaxslarga texnik ko'rikdan o'tkazish jadvali asosida transport vositalarini texnik jihatdan sozligini o'z vaqtida texnik ko'rikdan o'tkazish majburiyati yuklatilsin.

8. Vazirlar Mahkamasining 2021 yil 9 martdagi 125-son "Transport vositalarini majburiy texnik ko'rikdan o'tkazish tartibi to'g'risida nizomni tasdiqlash to'g'risida"gi qarori 3-bandiga ko'ra O'zbekiston Respublikasi Milliy gvardiyasi, Mudofaa vazirligi, Ichki ishlar vazirligi va Davlat xavfsizlik xizmati harbiy bo'linmalarining transport vositalari mazkur idoralar tomonidan belgilangan tartibda majburiy texnik ko'rikdan o'tkazilishi inobatga olinsin.

9. Tuman hokimining 2022-yil 12-yanvardagi "[Tuman hududidagi yuridik va jismoniy shaxslarga tegishli transport vositalarini majburiy texnik ko'rikdan o'tkazish to'g'risida](#)"gi 15-8-115-Q/22-sonli qarori o'z kuchini yo'qotgan deb hisoblansin.

10. Ushbu qaror rasman e'lon qilingan kundan e'tiboran kuchga kiradi.

11. Mazkur qaror ijrosini nazorat qilish tuman hokimi o'rinbosari O.Qurbonsaidov zimmasiga yuklatilsin.

**Muzrabot tuman hokimi**  
**v.v.b**



**A.Ismailov**

Muzrabot tuman hokimining  
2022 yil 30 dekabrda  
776-8-115-Q/22-son qaroriga  
1-ilova

**Tumanda transport vositalarini majburiy texnik ko'rikdan  
o'tkazish bo'yicha tuman komissiyasi**

**T A R K I B I**

**Komissiya raisi :**

A.Toshpo'latov

Muzrabot tuman ichki ishlar bo'limi yo'l harakati  
xavfsizligi bo'linmasi boshlig'i,

**Komissiya a'zolari:**

Lavozimiga ko'ra

-

Surxondaryo viloyati transport boshqarmasi sektor  
mudiri

Lavozimiga ko'ra

-

Tuman mudofaa ishlari bo'limi texnik xodimi

Z.Normurodov

tuman ekologiya va atrof muhitni muhofaza qilish  
inspeksiyasi

Lavozimiga ko'ra

-

Tuman avtomotohavaskorlar ko'ngilli jamiyati  
a'zosi (*kelishuvga asosan*)

**Komissiya kotibi:**

Lavozimiga ko'ra

-

Tuman ichki ishlar bo'limi YHXB katta inspektori

Muzrabot tuman hokimining  
2022 yil 30 dekabrda  
776-8-115-Q/22-son qaroriga  
2-ilova

**Jismoniy va yuridik shaxslarga tegishli bo'lgan transport vositalarining 2023-yilgi majburiy  
texnik ko'rikdan o'tkazish**

**J A D V A L I**

<b>№</b>	<b>Tashkilot, korxona, xo'jalik va muassasalar nomi</b>	<b>Texnik ko'rik o'tkazish kunlari</b>	<b>Texnik ko'rik o'tkazish vaqti</b>	<b>Texnik ko'rik o'tkaziladigan joy</b>	<b>Transportlar soni</b>
1.	Xalq ta'limi	01.03.2023	9:00 – 17:00	Xalqobod qurg'oni	2
2.	Davlat Soliq inspeksiyasi	02.03.2023	9:00 – 11:00	Xalqobod qurg'oni	1
3.	Vatanparvar tashkiloti	03.03.2023	9:00 – 17:00	Xalqobod qurg'oni	10
4.	Axoli Bandligiga kumaklashish markazi	04.03.2023	9:00 – 11:00	Xalqobod qurg'oni	1
5.	Muzrabot tuman Gaz filiali	07.03.2023	9:00 – 11:00	Xalqobod qurg'oni	12
6.	Toza Xudud	08.03.2023	9:00 – 17:00	Xalqobod qurg'oni	10
7.	Jasur trans lagistik servis MChJ	09.03.2023	9:00 – 17:00	Yurtim Jamoli	20
8.	Elga Xizmat KTXK	10.03.2023	9:00 – 17:00	Ko'ng'iro't SFU	17
9.	Oybek Avtokllas MChJ	11.03.2023	9:00 – 11:00	Ko'ng'iro't SFU	26
10	Bobur Avto MChJ	14.03.2023	9:00 – 17:00	Xalqobod qurg'oni	10
11	Muzrabot Avtotransportchi MChJ	15.03.2023	9:00 – 17:00	Xalqobod qurg'oni	37
12	Muz.avtoda yuk va yul.tashish MChJ	16.03.2023	9:00 – 17:00	Xalqobod qurg'oni	56
13	Obodonlashtirish boshqarmasi	17.03.2023	9:00 – 17:00	Xalqobod qurg'oni	10
14	Tuman xokimiyati	21.03.2023	9:00 – 17:00	Xalqobod qurg'oni	6
15.	Chiroy Muzrabot qurilish x/k	22.03.2023	9:00 – 17:00	Xalqobod qurg'oni	4
16	Tuman KSXB	25.03.2023	9:00 – 11:00	Xalqobod qurg'oni	1

<b>№</b>	<b>Tashkilot, korxona, xo'jalik va muassasalar nomi</b>	<b>Texnik ko'rik o'tkazish kunlari</b>	<b>Texnik ko'rik o'tkazish vaqti</b>	<b>Texnik ko'rik o'tkaziladigan joy</b>	<b>Transportlar soni</b>
17.	Muzrabot YFUK	28.03.2023	9:00 – 11:00	Xalqobod qurg'oni	6
18.	Muzrabot Indenim klaster MCHJ	29.03.2023	9:00 – 11:00	Yurtim Jamoli	4
19	Suvoqava Duk filiali	04.04.2023	9:00 – 11:00	Duoba maxallasi	13
20	Mexnat roxat X/K	05.04.2023	9:00 – 17:00	Yurtim Jamoli	63
21	Tibbiyot birlashmasi	06.04.2023	9:00 – 11:00	Xalqobod qurg'oni	6
22	Tuman DSENM	07.04.2023	9:00 – 11:00	Xalqobod qurg'oni	4
23	Muzrabot non MChJ	11.04.2023	9:00 – 11:00	Yurtim Jamoli	2
24	Astillaev firdavs x/k	12.04.2023	9:00 – 11:00	Bodomzor maxallasi	4
25	Avto dizel u/k	13.04.2023	9:00 – 11:00	Yurtim Jamoli	2
26	Muzrabot tezkor qurilish	14.04.2023	9:00 – 11:00	Darvoza maxallasi	5
27	Telekommunikatsiya bog'lanmasi	15.04.2023	9:00 – 11:00	Xalqobod qurg'oni	1
28	Pochta aloqa tarmog'i	18.04.2023	9:00 – 11:00	Xalqobod qurg'oni	1
29	MuzrabotTETK	19.04.2023	9:00 – 11:00	Xalqobod qurg'oni	5
30	Sarbon Esse	20.04.2023	9:00 – 11:00	Darvoza maxallasi	6
31	Lochin X/K	21.04.2023	9:00 – 11:00	Xalqobod qurg'oni	1
32	Duradgor X/K	22.04.2023	9:00 – 11:00	Xalqobod qurg'oni	2
33	Bexruz avto X/K	25.04.2023	9:00 – 11:00	Buzrukobod MMTP	2
34	Kichik korxonalar	26.04.2023-21.06.2023	9:00 – 11:00	Yurtim Jamoli	